

Član 2.

Ova Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 01-GV-02-145/19
30. januara 2019. godine
Sarajevo

Predsjedavajući
Gradskog vijeća
Dr. Igor Gavrić, s. r.

Na osnovu člana 8. stav 7. alineja 1. Odluke o osnivanju Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva broj 01-02-1226/16 od 27.07.2016. godine ("Službene novine Kantona Sarajevo", broj 32/16) i člana 20. stav 2. tačka 1. Statuta Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva "SARAJEVO" društvo sa ograničenom odgovornošću (JP "SARAJEVO" d.o.o.) broj SP-5/17 od 29.03.2017. godine ("Službene novine Kantona Sarajevo", broj 13/17) i odredaba Odluke o klasifikaciji djelatnosti BiH 2010. ("Službeni glasnik BiH", broj 47/10), Skupština preduzeća na 27. sjednici, održanoj 28.12.2018. godine, donosi

ODLUKA

O DOPUNAMA STATUTA JAVNOG PREDUZEĆA ZA UPRAVLJANJE, ZAŠTITU I ODRŽAVANJE OBJEKATA GRADA SARAJEVA I OBAVLJANJE KOMUNALNIH I DRUGIH DJELATNOSTI OD JAVNOG INTERESA GRADA SARAJEVA "SARAJEVO" DRUŠTVO SA OGRANIČENOM ODGOVORNOŠĆU (JP "SARAJEVO" D.O.O.) BROJ SP-5/17 OD 29.03.2017. GODINE ("SLUŽBENE NOVINE KANTONA SARAJEVO", BROJ 13/17)

Član 1.

U članu 7. stav 1. nakon alineje 29. označene kao 33.20 Instaliranje industrijskih mašina i opreme, dodaju se nove alineje koje se odnose na djelatnosti i to kako slijedi:

- 35.11 Proizvodnja električne energije
- 35.12 Prijenos električne energije
- 35.13 Distribucija električne energije
- 35.14 Trgovina električnom energijom

U preostalom dijelu Statut Javnog preduzeća za upravljanje, zaštitu i održavanje objekata Grada Sarajeva i obavljanje komunalnih i drugih djelatnosti od javnog interesa Grada Sarajeva "SARAJEVO" društvo sa ograničenom odgovornošću (JP "SARAJEVO" d.o.o.) broj SP-5/17 od 29.03.2017. godine ("Službene novine Kantona Sarajevo", broj 13/17) ostaje nepromijenjen.

Član 2.

Ovaj Odluka stupa na snagu danom donošenja Odluke Gradskog vijeća Grada Sarajeva o davanju saglasnosti na istu, sastavni je dio Odluke o davanju saglasnosti i ima se objaviti u "Službenim novinama Kantona Sarajevo".

Broj 01 -SP-OD-2053/18
28. decembra 2018. godine

Predsjednica
Skupštine Preduzeća
Ena Lazović, s.r.

Na osnovu člana 26. stav 1. tačke 2. Statuta Grada Sarajeva ("Službene novine Kantona Sarajevo", broj 34/08 - Prečišćeni tekst) i članom 13. Odluke o osnivanju Javne ustanove "Muzej savremene umjetnosti ARS Aevi Sarajevo" ("Službene novine kantona Sarajevo" broj 49/17), Gradsko vijeće Grada Sarajeva, na 23. sjednici, održanoj dana 30.01.2019. godine, donijelo je

ODLUKA

O DAVANJU SAGLASNOSTI NA PROGRAM RADA JU "MUZEJ SAVREMENE UMJETNOSTI ARS Aevi SARAJEVO" SA FINANSIJSKIM PLANOM ZA 2019. GODINU

Član 1.

Daje se saglasnost na Program rada JU "Muzej savremene umjetnosti ARS Aevi Sarajevo" sa finansijskim planom za 2019. godinu.

Član 2.

Ova Odluka stupa na snagu danom donošenja i bit će objavljena u "Službenim novinama Kantona Sarajevo".

Broj 01-GV-02-146/19
30. januara 2019. godine
Sarajevo

Predsjedavajući
Gradskog vijeća
Dr. Igor Gavrić, s. r.

**Komisija za Statut i akte Gradskog vijeća
Grada Sarajeva**

Na osnovu člana 138. stav 2. Poslovnika Gradskog vijeća Grada Sarajeva ("Službene novine Kantona Sarajevo", broj 28/09), Komisija za Statut i akte Gradskog vijeća Grada Sarajeva, na sjednici od 25.01.2019. godine, utvrdila je prečišćeni tekst Odluke o spomenicima od značaja za Grad Sarajevo koji se upućuje na objavu u "Službenim novinama Kantona Sarajevo".

Prečišćeni tekst Odluke o spomenicima od značaja za Grad Sarajevo obuhvata:

Odluku o spomenicima od značaja za Grad Sarajevo ("Službene novine Kantona Sarajevo", broj 12/11), Odluku o izmjenama i dopunama Odluke o spomenicima od značaja za Grad Sarajevo ("Službene novine Kantona Sarajevo", broj 21/16) i Odluku o izmjenama i dopunama Odluke o spomenicima od značaja za Grad Sarajevo ("Službene novine Kantona Sarajevo", broj 51/18).

Broj 04-GV-02-93-1/19
25. januara 2019. godine
Sarajevo

Predsjedavajući
Komisije za Statut i akte
Gradskog vijeća Grada Sarajeva
Mr. Izmir Hadžićević, s. r.

ODLUKA

**O SPOMENICIMA OD ZNAČAJA ZA GRAD SARAJEVO
(PREČIŠĆENI TEKST)**

Član 1.

Predmet Odluke

Ovom Odlukom o spomenicima od značaja za Grad Sarajevo (u daljnjem tekstu: Odluka) utvrđuju se kriteriji za utvrđivanje spomenika od značaja za Grad Sarajevo, vrste spomenika, način podnošenja inicijative za podizanje spomenika od značaja za Grad Sarajevo, uslovi i postupak za podizanje spomenika od značaja za Grad Sarajevo kao i način čuvanja, održavanja i zaštite spomenika podignutih u skladu sa ovom Odlukom.

Član 2.

Kriterij za utvrđivanje

Spomenicima od značaja za Grad Sarajevo u smislu ove odluke smatraju se:

- spomenici kojima se obilježavaju historijski događaji od posebnog značaja za Grad Sarajevo i Bosnu i Hercegovinu a koji su obilježili bližu i dalju historiju i dali poseban doprinos razvoju i afirmaciji Grada Sarajeva i Bosne i Hercegovine,
- spomenici podignuti u znak sjećanja na osobe koje su svojim djelovanjem dale poseban doprinos razvoju i afirmaciji Grada Sarajeva i Bosne i Hercegovine, te

očuvanju civilizacijskih vrijednosti, multietičnosti i posebnosti Grada Sarajeva i Bosne i Hercegovine.

Svi drugi spomenici ili inicijative za njihovo podizanje u smislu ove odluke ne mogu se smatrati spomenicima od značaja za Grad Sarajevo.

Član 3.

Vrste spomenika

Spomenicima u smislu ove Odluke smatraju se skulpture, biste, spomen-kompleksi odnosno obilježja, spomen-česme, spomen-ploče i fontane koji su svojim sadržajem, estetskim izgledom i funkcionalnošću namijenjeni očuvanju uspomene na historijske događaje i ličnosti.

Pod spomenicima se ne podrazumjevaju spomen-pokloni kulturno-umjetničkog karaktera i spomenici odnosno obilježja koja se mogu podizati na određene vremenske periode.

Član 4.

Podizanje spomenika

Podizanje spomenika se vrši u skladu sa Elaboratom o mogućim lokacijama za postavljanje spomenika, spomen-obilježja i spomen-ploča na području Grada Sarajeva, a koji su od značaja za Grad Sarajevo (u daljem tekstu: "Elaborat").

Elaborat je usvojen na sjednici Gradskog vijeća Grada Sarajeva održanoj dana 28.01.2015. godine.

Član 5.

Inicijativa za podizanje spomenika

Inicijativu za podizanje spomenika od značaja za Grad Sarajevo mogu podnijeti vijećnici Gradskog vijeća Grada Sarajeva, vijećnici općinskih vijeća općina u sastavu Grada Sarajeva, gradonačelnik i načelnici općina. Pravna lica i udruženja građana mogu podnijeti inicijativu za podizanje spomenika putem općina.

Inicijativa mora sadržavati naziv događaja odnosno ime ličnosti kojima se inicira podizanje spomenika sa obrazloženjem i prijedlog lokacije za njegovo podizanje.

Inicijativa se podnosi gradonačelniku Grada Sarajeva.

Gradonačelnik putem nadležne službe proslijeđuje inicijativu Komisiji za spomenike Gradskog vijeća Grada Sarajeva.

Član 6.

Komisija za spomenike

Komisija za spomenike (u daljem tekstu: Komisija) osniva se posebnom odlukom Gradskog vijeća Grada Sarajeva.

Komisija ima 7 članova, a sačinjavaju je vijećnici Gradskog vijeća Grada Sarajeva, ugledni stručnjaci, naučni i javni djelatnici iz predmetne oblasti.

Komisija vrši valorizaciju događaja odnosno ličnosti i donosi odluku o tome da li je ili nije događaj odnosno ličnost od značaja za Grad Sarajevo, a sve u skladu sa članom 2. ove Odluke. Komisija vrši procjenu inicijative u roku od 60 dana od prijema inicijative.

Kada Komisija donese odluku o tome da podnesena inicijativa ispunjava kriterije iz člana 2. Odluke, gradonačelnik putem nadležne službe obavještava podnosioca inicijative o tome i zahtijeva da se inicijativa upotpuni sljedećim elementima:

- idejnim rješenjem spomenika
- precizno određenom mikrolokacijom
- podacima o načinu finansiranja za podizanje spomenika

Podnosilac inicijative je dužan upotpuniti istu u roku od 60 dana osim ako idejno rješenje ne podrazumijeva provođenje konkursne procedure.

Nakon kompletiranja inicijative, Gradonačelnik tekst Nacrta Odluke o podizanju spomenika upućuje Komisiji za spomenike koja utvrđuje nacrt odluke i upućuje ga Gradskom vijeću na razmatranje, a poslije provedene javne rasprave, prema tekstu koji dostavlja Gradonačelnik, Komisija za spomenike utvrđuje i prijedlog odluke koji upućuje Gradskom vijeću na konačno odlučivanje.

U slučajevima kada Komisija donese odluku da podnesena inicijativa ne ispunjava kriterije iz člana 2. ove Odluke, odnosno

procijeni da spomenik nije od značaja za Grad Sarajevo, Gradonačelnik će putem nadležne službe obavijestiti o tome podnosioca inicijative i općinu.

U slučaju kada Podnosilac inicijative ne izvrši dopunu inicijative u roku propisanom stavom (5) ovog člana, Komisija obustavlja postupak donošenja odluke, o čemu Gradonačelnik putem nadležne službe obavještava Podnosioca inicijative.

Član 7.

Odluka o podizanju spomenika

Odluku o podizanju spomenika od značaja za Grad Sarajevo donosi Gradsko vijeće Grada Sarajeva.

Odlukom se definiše, osim elemenata definisanih članom 6., i nosilac ili nosioci njene realizacije, rokovi i finansijska sredstava potrebna za podizanje spomenika.

Podnosilac inicijative je dužan, po stupanju na snagu odluke o podizanju konkretnog spomenika od značaja za Grad Sarajevo, podnijeti zahtjev za izdavanje urbanističke saglasnosti za podizanje spomenika, nadležnom općinskom organu, najkasnije u roku od 60 dana i o tome istovremeno obavijesti Gradonačelnika.

Ukoliko Podnosilac inicijative ne izvrši obavezu navedenu u stavu 3. ovog člana, Gradonačelnik pokreće prema Gradskom vijeću proceduru stavljanja van snage odluke Gradskog vijeća o podizanju spomenika od značaja za Grad Sarajevo koju Podnosilac inicijative ne realizira u propisanom roku iz stava 3. ovog člana.

Član 8.

Čuvanje, održavanje i zaštita spomenika

O čuvanju, održavanju i zaštiti spomenika od oštećenja i uništavanja obuhvaćenih ovom odlukom brine se Grad Sarajevo.

Član 9.

Registar spomenika

Gradonačelnik, putem nadležne službe, je dužan da ustroji i vodi registar spomenika od značaja za Grad Sarajevo. Registrom će biti obuhvaćeni i spomenici koji su podignuti u vremenskom periodu nakon NOR-a.

Član 10.

Obaveza primjene Odluke

Ovu Odluku su obavezne primjenjivati sve općine na području Grada Sarajeva pri izdavanju odobrenja za građenje spomenika.

Za spomenike koje nisu obuhvaćeni ovom Odlukom općine provode proceduru u skladu sa Zakonom o prostornom uređenju Kantona Sarajeva ("Službene novine Kantona Sarajevo", broj 7/05).

Član 11.

Sredstava

Sredstva potrebna za realizaciju ove Odluke planiraju se u Budžetu Grada Sarajeva na posebnoj stavci i to za:

- čuvanje, održavanje i zaštitu spomenika od značaja za Grad Sarajevo i
- podizanje spomenika od značaja za Grad Sarajevo kojima je Grad Sarajevo investitor.

Sredstva za čuvanje, održavanje i zaštitu spomenika od značaja za Grad Sarajevo se planiraju na osnovu godišnjeg Programa čuvanja, održavanja i zaštite spomenika od značaja za Grad Sarajevo koji donosi Gradonačelnik uz prethodnu pribavljenu saglasnost Komisije za spomenike Gradskog vijeća.

Sredstva za podizanje spomenika od značaja za Grad Sarajevo kojima je Grad Sarajevo investitor se planiraju na osnovi godišnjeg Programa podizanja spomenika od značaja za Grad Sarajevo kojima je Grad Sarajevo investitor koji donosi Gradsko vijeće na prijedlog Gradonačelnika, a zasnovan na inicijativama koje su dobile podršku Gradskog vijeća i za koje je Komisija za spomenike utvrdila da su inicijative za podizanje spomenika od značaja za Grad Sarajevo i uputila Gradonačelniku

na obradu s ciljem da Grad Sarajevo bude investitor podizanja spomenika.

Član 12.
Nadzor

Nadzor nad provođenjem ove Odluke vrši gradonačelnik putem nadležne službe Gradske uprave Grada Sarajeva.

Inspeksijski nadzor u primjeni Odluke vrši Gradska služba za inspeksijski nadzor.

Član 13.
Kaznene odredbe

Novčanom kaznom u iznosu od 5.000,00 KM će se kazniti za prekršaj pravno lice, ako izvrši postavljanje spomenika suprotno odredbama ove Odluke, dok će odgovorno lice u pravnom licu biti kažnjeno novčanom kaznom u iznosu od 800,00 KM.

Novčanom kaznom u iznosu od 300,00 KM će se kazniti fizičko lice koje podigne spomenik suprotno odredbama ove Odluke.

Član 14.
Izmjene i dopune Odluke

Izmjene i dopune Odluke se vrše na isti način i po postupku za njeno donošenje.

Član 15.
Stupanje na snagu

Ova Odluka stupa na snagu narednog dana od dana objavljivanja u "Službenim novinama Kantona Sarajevo".

Stupanjem na snagu ove Odluke prestaje da važi Odluka o uslovima i postupku za podizanje, izmještanje i premještanje spomenika od značaja za Grad Sarajevo ("Službene novine Kantona Sarajevo", broj 5/06 i 42/07).

OPĆINA CENTAR SARAJEVO

Općinsko vijeće

Na osnovu člana 10. Statuta Općine Centar Sarajevo - Prečišćeni tekst ("Službene novine Kantona Sarajevo", broj 23/04) i člana 6. Odluke o proglašenju najbolje mjesne zajednice i savjeta mjesne zajednice broj 01-49-1394/17 od 29.05.2017. godine, Općinsko vijeće Centar Sarajevo je, na 32. redovnoj sjednici održanoj dana 04.02.2019. godine, donijelo

ODLUKU

**O IZMJENI ODLUKE O FORMIRANJU ODBORA ZA
IZBOR NAJBOLJE MJESNE ZAJEDNICE I SAVJETA
MJESNE ZAJEDNICE**

Član 1.

U Odluci o formiranju odbora za izbor najbolje mjesne zajednice i savjeta mjesne zajednice ("Službene novine Kantona Sarajevo", broj 35/17), u članu 2. stav (1) alineja 3) mijenja se i glasi: "Gordana Trto u ime Službe za urbanizam i zaštitu okoliša i Đenita Bogunić-Kešelji u ime Službe za investicije, komunalni razvoj i planiranje.

Član 2.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će biti objavljena u "Službenim novinama Kantona Sarajevo".

Broj 01-49-209/19
04. februara 2019. godine
Sarajevo

Predsjedavajuća
Općinskog vijeća
Karolina Karačić, s. r.

Ova odluka je objavljena na oglasnoj ploči Općine Centar Sarajevo dana 12.02.2019. godine.

Na osnovu članova 4., 8. i 13. Zakona o principima lokalne samouprave ("Službene novine Federacije BiH", br. 49/06 i 51/09), člana 10. Statuta Općine Centar Sarajevo - Prečišćeni tekst ("Službene novine Kantona Sarajevo", br. 23/04 i 11/13), člana 45. Poslovnika Općinskog vijeća Centar - Prečišćeni tekst ("Službene novine Kantona Sarajevo", br. 23/04), člana 3. Odluke o dodjeli stanova na privremeno korištenje - Prečišćeni tekst ("Službene novine Kantona Sarajevo", broj 44/12) i čl. 1. i 2. Odluke o izmjenama i dopunama Odluke o dodjeli stanova na privremeno korištenje ("Službene novine Kantona Sarajevo", broj 44/15), Općinsko vijeće Centar Sarajevo je, na 32. redovnoj sjednici održanoj dana 04.02.2019. godine, donijelo

ODLUKU

**O NASTAVKU PRIVREMENOG KORIŠTENJA STANA
U ULICI KOŠEVO BROJ 26/IV U SARAJEVU**

Član 1.

Odobrava se Galić Dubravki iz Sarajeva nastavak privremenog korištenja stana u ulici Koševo broj 26/IV u Sarajevu, koji će imenovana koristiti sa suprugom Starčević Goranom i sinom Šego Markom na osnovu Odluke Općinskog vijeća Općine Centar Sarajevo, broj 01-23-453/15 od 29.01.2015. godine.

Član 2.

Korištenje stana po ovoj Odluci trajat će godinu dana od dana donošenja Odluke.

Nakon isteka roka iz stava 1. ovog člana, Galić Dubravka ima pravo da podnese zahtjev za produženje Odluke o nastavku privremenog korištenja stana u ulici Koševo broj 26/IV u Sarajevu.

Član 3.

Galić Dubravka je dužna plaćati sve režijske troškove korištenja stana i koristiti stan sa pažnjom dobrog domaćina.

Član 4.

Ova Odluka stupa na snagu narednog dana od dana objavljivanja na oglasnoj ploči Općine Centar Sarajevo, a naknadno će se objaviti u "Službenim novinama Kantona Sarajevo".

Broj 01-23-525/19
04. februara 2019. godine
Sarajevo

Predsjedavajuća
Općinskog vijeća
Karolina Karačić, s. r.

Ova odluka je objavljena na oglasnoj ploči Općine Centar Sarajevo dana 12.02.2019. godine.

Na osnovu članova 4., 8. i 13. Zakona o principima lokalne samouprave ("Službene novine Federacije BiH", br. 49/06 i 51/09), člana 10. Statuta Općine Centar Sarajevo - Prečišćeni tekst ("Službene novine Kantona Sarajevo", br. 23/04 i 11/13), člana 45. Poslovnika Općinskog vijeća Centar - Prečišćeni tekst ("Službene novine Kantona Sarajevo", br. 23/04), člana 3. Odluke o dodjeli stanova na privremeno korištenje - Prečišćeni tekst ("Službene novine Kantona Sarajevo", broj 44/12) i čl. 1. i 2. Odluke o izmjenama i dopunama Odluke o dodjeli stanova na privremeno korištenje ("Službene novine Kantona Sarajevo", broj 44/15), Općinsko vijeće Centar Sarajevo je, na 32. redovnoj sjednici održanoj dana 04.02.2019. godine, donijelo